

## IZVJEŠTAJ SA SASTANKA VIJEĆA UČENIKA

Drugi sastanak Vijeća učenika je održan 24.10.2017.godine u utorak sa početkom u 13:00 sati u Sali za više namjena sa sljedećim dnevnim redom:

### DNEVNI RED

1. Biranje užeg kruga Vijeća učenika
2. Regulisanje reda vožnje
3. Projekat: „Dobrotvorna prostorija“
4. Projekat: „Školske klupe“
5. Projekat: „VI- Rikša“

### OBRAZLOŽENJE

#### 1. Biranje užeg kruga Vijeća učenika

Nakon glasanja i usvajanja dnevnog reda, pristupili smo biranju članova užeg tima Vijeća učenika, te smo na taj način stvorili ekipu koja je stalno u kontaktu sa rukovodstvom Vijeća učenika, a rukovodioci Vijeća učenika sa upravom. Od ukupnog broja od petnaest mjesta koje mi kao Vijeće imamo pravo da popunimo, izabrali smo deset učenika uključujući i samo rukovodstvo, smatrajući da je to sasvim dovoljan broj učenika sa kojima se postiže idealna saradnja. Te smo sastanke užeg kruga Vijeća učenika usvojili da se održavaju jednom mjesečno u prostorijama Vijeća. Učenici koji su izabrani su:

1. Sabljaković Adis, pred. VU
2. Dervišbegović Dženita, zam.pred.VU
3. Rizvanović Arnela, zapisničar VU
4. Zukić Ajša
5. Omanović Selma
6. Ohran Belmin
7. Bešić Tarik
8. Trako Amila
9. Vračo Emina
10. Kadrić Nejra

#### 2.Regulisanje reda vožnje

Pošto diskutovanje o ovoj tački dnevnog reda i njeno izvođenje nije usvojeno, tačka je uklonjena sa dnevnog reda, te je diskutovanje odloženo do daljnjeg.

### 3. Projekat: „Dobrotvorne prostorije“

Gore pomenuti projekat je jednoglasno usvojen, te ćemo u sljedećim kratkim crtama pokušati objasniti svrhu projekta.

1. U prostoriju bi učenici koji su voljni unosili tokom malih ili velikih odmora odjeću koja je njima nepotrebna, pod uslovom da je odjeća i dalje u stanju da nosanje
2. Odjeća i stvari koje bi bile donirane, bile bi razvrstane na muški i ženski odjel
3. Stvari koje bi se donirale pregledao bi dežurni učenik tog dana, te ih smiještao u prostoriju namijenjenu za ovu svrhu
4. Ključevi od dobrotvorne prostorije bi stajali na portirnici te bi ih tog dana jedino moglo uzimati portir ili dežurni učenik
5. O primljenim stvarima vodila bi se jasna i precizna evidencija
6. Ono što bude na raspolaganju u toj prostoriji, učenici kojima je to potrebno mogli bi to uzimati tokom časa, ili poslije ili prije svoje smjene u potpunoj tajnosti da se ne bi osjećali poniženo ili uvrijeđeno

Projekat osnivanja „Dobrotvorne prostorije“ je jedan od rijetkih projekata koji ne iziskuje finansijska sredstva i velike napore u njihovom iznalaženju. Za gore već pomenuti projekat potrebno je:

1. Slobodna prostorija
2. Čišćenje i dezinfekcija iste

**NAPOMENA:** Ukoliko bude dovoljno donatora odjeće i sl. sadržaja, a mala potražnja učenika naše škole, sav priliv bi bio doniran u Crveni križ Visoko. Projekat je planiran da se vremenom proširi i na općinu Visoko, tj. da se u prostorijama naše škole nalazi jedan vid dobrotvorne zadruge, te bi bilo omogućeno i građanima donacije u te iste prostorije.

Planski period razvoja, tj. ispitivanje njegove izdašnosti i uspješnosti je od tri do pet mjeseci. Ukoliko ne bude uspjeha prostorija će se zatvoriti i ugasiti na neodređeno vrijeme.

### 4. Projekat: „Školske klupe“

Projekat: „Školske klupe“ je projekat koji podrazumijeva izradu i montažu školskih klupa u režiji MSŠ „Hazim Šabanović“ Visoko. Kad kažemo režiji podrazumijevamo izradu klupa u našim prostorijama od strane stručnog tima, tj. učenika smjera bravar/zavarivač i njihovog koordinatora profesora Izudina Kurtovića. Projekat je u cijelosti napisan i urađene su dvije varijante projekta od kojih će u narednom periodu biti izabrana najpovoljnija varijanta, te će se pristupiti njenoj izradi.

1. Prva varijanta je AB kombinacija sa drvenim gredicama kao podlogom za sjedenje
2. Druga varijanta je su hladnooblikovani čelični profili u kombinaciji sa drvenim gredicama kao podlogom za sjedenje

MSŠ „Hazim Šabanović“ Visoko  
Branilaca, 24  
Visoko 71 300

Planski rok i period izrade ovog projekta jeste do kraja školske 2017./2018.godine koja se završava krajem juna.

#### **4. Projekat: „Vi – Rikša“**

Projekat „Vi – Rikša“ je projekat koji je pokrenut još polovinom prošle školske godine, te je uslijedila njegova razrada i rješavanje. Projekat će biti poklon gradu Visoko od naše škole, a uskoro bi se trebalo pristupiti i njegovoj konstrukciji i izradi. U sljedećim crtama je prikazana svrha projekta:

### **PROJEKATA : VI-RIKŠA (Visočka Rikša)**

Rikša je vrsta prijevoznog sredstva, koje se pokreće ljudskom snagom (npr. nogama ili biciklom) i uglavnom ima mjesto za jednog ili dva putnika.

#### **OSNOVNI PODACI:**

**NOSILAC PROJEKTA:**Vijeće učenika MSŠ „Hazim Šabanović“ Visoko

**REALIZATORI:** Učenici Mašinske škole (bravari,zavarivači,automehaničari), Tekstilne škole (krojači), Saobraćajne škole (autoelektričari i dr.), Elektrotehničke škole (Elektrotehničari računarske tehnike i automatike i elektromehaničari), Novinarska sekcija.

#### **KRATAK OPIS PROJEKTA:**

Projekat bi se realizirao u dvije faze.

**1. Faza:**Izrada konstrukcije Rikše i opremanje iste.

Učenici mašinske škole bi od nekoliko polovnih bicikala napravili konstrukciju Rikše.

Učenici tekstilne škole bi sašili sjedišta za Rikšu i pokrov (tendu).

Učenici saobraćajne škole bi uradili lančani prenos, svjetlosnu i zvučnu signalizaciju rikše.

Novinarska sekcija bi pripremila informaciju i foto dokumentaciju o sakralnim (vjerskim) objektima, kulturno-historijskim znamenitostima i drugim značajnim mjestima za turiste (posjetioce) u Visokom.

Učenici Elektrotehničke škole bi pripremili program turističkih i drugih značajnih mjesta u Visokom na tabletima (sa prevodom na engleski jezik) koje bi „turisti“ tokom vožnje u rikši koristili kao informator o mjestu koje posjećuju.

Učenici elektrotehničke škole bi pripremili „solarni panel“ od ćelija koji bi služio za napajanje različitih uređaja na Rikši.

**Za realizaciju prve faze bilo bi potrebno od 30 do 45 dana.**

**2. Faza**

Visoko, 24.10.2017.godine

MSŠ „Hazim Šabanović“ Visoko  
Branilaca, 24  
Visoko 71 300

U drugoj fazi bi Rikša bila stavljena u funkciju. Koristila bi se u turističke, humanitarne i promotivne (reklamne) svrhe.

Turistička svrha bi se ogledala u vožnji „turista“ koji dolaze u Visoko , najviše u ljetnom periodu radi obilaska „visočkih piramida“.

Rikša bi se koristila u humanitarne svrhe tako što bi stare, bolesne i nemoćne (siromašne) stanovnike Visokog prevozila do Doma zdravlja (besplatno), ili do najbližih tržnih centara kako bi se stare osobe koje žive same mogle podmiriti i kupljeno donijeti kući.

Poseban program vožnje Rikše bio bi za djecu sa posebnim potrebama (invalidne osobe) koja bi bila vožena do određenih destinacija koja su im „zanimljiva“, ili da im se omogući izlazak iz kuće kada je lijepo vrijeme u Visokom.

U promotivne svrhe Rikša bi se koristila tako što bi ledni dio rikše bio korišten kao pokretna „oglasna tabla“ na kojoj bi učenici postavljali različite promotivne poruke i oglase kojima bi afirmisali: kulturu zdravog življenja, razvijali ekološku svijest, educirali stanovništvo o bitnim i važnim stvarima iz oblasti obrazovanja i sl.

**Trajanje druge faze bilo bi dugoročno.**

## **KORIST (BENEFITI) OD PROJEKTA VI-RIKŠA**

Korist od projekta Vi-rikša bila bi višestruka:

- U realizaciji ovog projekta bio bi uključen veći broj učenika MSŠ „Hazim Šabanović“ Visoko iz različitih škola ( MSŠ je mješovita škola koja ima tehnička i stručna odjeljenja) koji bi dobili priliku da svoje teorijsko znanje primjene na kreativan i inovativan način u praksi. Uključivanjem učenika iz različitih škola u jedan projekat podstaknula bi se saradnja učenika različitih obrazovnih profila i razvio timski duh (tj. timski rad). Učenici bi projekat Vi-rikše mogli dalje razvijati i prerasti u „učnički servis“. Tokom realizacije druge faze učenici bi mogli ostvariti i određenu novčanu korist ( ona nije primarni cilj projekta, ali nije ni nebitna) tako da bi učenici Ekonomske škole mogli biti uključeni u drugoj fazi realizacije projekta.
- Grad Visoko bi dobio nešto novo što trenutno nema, tj. bila bi obogaćena turistička ponuda.
- Humanitarne organizacije i Centar za socijalni rad dobili bi još jednog aktivnog saradnika u realizaciji „humanitarnih“ aktivnosti.
- Pojava Vi-rikše na ulicama grada Visokog, mogla bi inicirati i ubrzati realizaciju biciklističkih staza (koje trenutno ne postoje) i zona zabranjenih za promet motornih vozila itd.

---

Predsjednik Vijeća učenika Adis Sabljaković